



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 19. lib. Judicum, in quo describitur Iter Levitæ cum uxore sua, Gabaonitarum in eos duritia & nefanda libido exercitia in uxorem Levitæ.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

exclamo: eamus & possideamus terram hanc, auferamus cum *Danis* sculptilia, *Idola*, & *constatilia* pectoris nostri, in ordinatum videlicet ad bona terrena amorem. Non acquiescamus carni nostræ, quæ v. 24. citati capit. cum *Micha* post nos vociferatur: *Deos meos, quos mihi feci, tulistis.* Sed cum sexcentis illis fortissimis *Judaorum* viris currentes per viam Mandatorum Dei ascendamus coelestem *Lais*, ibi ut refert S. Scriptura v. 27. capituli cit. venturi ad *Populum* quiescentem & securum.

Doctrina 2.

Desumpta ex cap. 19. lib. Iudicum, in quo describitur Iter Levite cum uxore sua, Gabaonitarum in eos duritia & nefanda libido exercita in uxorem Levite.

N. 233. Considera: **Q**uod Dæmon homines, è domo peccati per veram pœnitentiam ad Deum profecturos, iisdem verbis alloquatur, quibus utitur S. Scriptura capite v. 6. *Quoso te, ut hodie hic maneas, & v. 9. mane apud me etiam hodiè, & duc letum diemi, & cras proficisceris,* de mercatore quodam legitur: quod Tabernæ suæ majusculis litteris inscribi jussit: *Hodiè in loco hoc nil credito venditur, sed cras.* Factum inde, nunquam tempus adventasse, quò emptores aliquid creditò acceperint, eandem Scripturam singulis diebus videre jussi. Pari pröh dolor! astutiā miseris peccatoribus illudit Diabolus hodiernum tantummodo diem sibi impendi petit, crastinum pœnitentia dari concedens. Verùm cùm eadem verba quotidiè repeatat, oritur inde: nunquam illucescere illum pœnitentia locandum diem, ut quò eos diutius remoretur, eo majori jure eos possideat; crescent enim catenæ, de quibus afferit Ecclesia: delictorum catena constringitur. Quod ipsum pulchrō similī declarat S. Bonav. tom. 6. in Diæt. salut. tit. 1, c. 2. inquiens: *Peccatum est sicut rete, & sicut Virga invictata:* nam sicut pisces in retibus se agitando amplius involvit, & avis plus ambulans per Virgam invictatam fortius se capit, sic peccator magis elongatur à Deo, & stridius illaqueatur à Diabolo, quia de tali dicitur: *tenebitur planta ejus laqueis.* Joannes de Villa nova refert: exstisit quendam sceneratorem, crebro à confessario suo admonitum, ageret Pœnitentiam injustè retenta suis redditurus Dominis. Ad quæ verba identidem respondere auditus sit: *bene, faciam adhuc.* Sed his nondum satur Sacerdos, dum monitum dupli-

duplicat, videt ocius peccatorem quasi mortuum ante se corruere, & non nihil sibi denuò redditum, dum iterum ad pœnitentiam disponere nititur, clamat æger: ò pœnitentia ubi es? pœnitere non valeo hoc iudicante justò Judice, quia dum facere pœnitentiam potui, non volui. Aliud non minus horrendum in vita Thomæ Mori legitur exemplum. Rogabant amici peramicè hominem, gravissimis peccatis obnoxium, ut maturâ pœnitentiâ saluti consuleret. Sed responsò tulere; se tribûs unicis verbulis clementiam Dei eô tempore expugnaturum, quô instare sibi mortem sentiret. Sed ò vesana peccatoris fiducia! quâm aleâ inversâ sors cadit: cùm enim equo insidens transit pontem, equus improvidum pedem saxo impingens cadit, & una secum sessorem Herum aquis immergit. Tam miserandò lapsu præcepsum actus peccator, ubi extremum cernit vitæ periculum, & mortem certò certius subeundam, omnî conatu in tria verba resolvit lingua. Sed quænam ista? nunquid cum regio auditus Vate suspirare. Misere mei Deus? vel tibi soli peccavi? aut cum publicano: Deus propitius esto? ò quâm longè à talibus diversa maledicô ore spumat, nil aliud auditus clamare: quâm: rapiat omnia Demon. Ita miserrimum homuncionem in fatali versantem lucta destituit memoria. Justò Dei iudiciò fit, merito dicam cum Innocentio III. Serm. 2. de advent. ut quia cùm potest homo converti & non vult: cùm forte converti non possit: tunc enim secundum est homini pœnitere, cùm potest ipse peccare. Hinc ò Christiane Lector! si per lethalem culpam è domo gratiæ abiîsti, ocius ad eandem per pœnitentia ostium redeas. en! Christus instar Senis illius, Levitam in platea publica divertentem alloquentis, te quoque alloquitur dicens: Pax tecum. Ego præbebo omnia, que necessaria sunt, tantum queso, ne mancas in platea. v. 20. hujus cap. Diabolus enim animâ peccatoris haud aliter abutitur, quâm Gabaonite filii Belial abusi fuerant uxore Levitæ: ut propter non antea desistens ab explenda sua libidine, donec ante ostium dominus æternitatis illa cadat mortua, gladiò infernalium pœnorum non tantum in duodecim, sed in millenas partes scindenda.

Doctri-